

# LATIHAN PERBANDINGAN SEMACAM

## ARAHAN:

Baca petikan terlebih dahulu. Kemudian, tulis perbandingan semacam yang telah anda kenal pasti di ruangan jawapan.

### ROCIM Robot Ciptaanku



#### AKTIVITI



Kenal pasti perbandingan semacam.

Pertandingan mencipta robot hanya tinggal tiga hari lagi. Sudah hampir sebulan aku cuba menggerakkan robot ciptaanku ini tetapi hampa. Kekecewaan ini membuatkan aku menjadi malas seperti keldai, malas untuk meneruskan usahaku selama ini. Hari ini aku sudah bertekad. Aku mesti meneruskan usahaku ini. Aku tidak mahu gagal di tengah jalan. Robot ciptaan yang aku namakan ROCIM ini mesti boleh bergerak hari ini. Ya, hari ini! Bukan esok atau lusa!



## JAWAPAN 1:



Aku memasukkan sejenis cecair yang dicipta khas ke dalam badan ROCIM. ROCIM masih tidak bergerak walaupun sudah hampir setengah jam aku menunggu reaksinya. 45 minit kemudian, tiba-tiba mata ROCIM mula berputar ligat seperti gasing. Aku menjerit gembira, gembira yang tidak terhingga. Robotku yang besar macam gajah itu sudah menunjukkan reaksi untuk bergerak. Kini, kakinya pula mula diangkat. ROCIM mula bergerak perlahan-lahan.

## JAWAPAN 2:

## JAWAPAN 3:



Binaan badan ROCIM yang berat macam batu itu membuat ROCIM bergerak perlahan dan lambat seperti siput. Aku ketawa sendirian melihat gelagat ROCIM. Pada dada ROCIM aku letakkan sekeping kaca tahan lasak yang jernih seperti cermin. Di situlah terpancarnya cahaya yang mengeluarkan abjad untuk aku berkomunikasi dengan ROCIM. ROCIM mula mengeluarkan kata-kata di dadanya. Aku gembira tidak terkata. Robot ciptaanku yang gagah seperti gergasi ini mesti memenangi hadiah utama dalam pertandingan mencipta robot pada tahun ini. Aku mesti menang! Aku mesti!

**JAWAPAN 4:**

**JAWAPAN 5:**

**JAWAPAN 6:**

**JAWAPAN 7:**

**NOTA:**

Perbandingan semacam ialah sejenis bahasa kiasan yang menunjukkan **SIFAT** dan **KEADAAN** seseorang secara perbandingan. Kebiasaannya, perbandingan semacam menggunakan perkataan *macam*, *seperti*, *bagai* dan *laksana*.

Contohnya,

1. Abu berani macam harimau.
2. Ricardo cantik seperti bunga.
3. Bajunya hijau seperti rumput.
4. Asher berlari pantas bagai kilat.